



Počelo suđenje za međunarodni šverc droge

Knežević pristao na 14 mjeseci zatvora, Pažin u pregovorima

Optuženi se terete da su kao pripadnici grupe za organizovani kriminal nabavljali, a potom organizovali prevoz marihuane

Zvonko Knežević (1971), optužen da je u okviru organizovane grupe trgovao drogom, sklopio je sa Tužilaštvom BiH sporazum o priznanju krivice, te je tako pristao na kaznu zatvora od 14 mjeseci. Ukoliko Sud BiH prihvati ovaj sporazum, postupak protiv njega će biti razdvojen u odnosu na Željka Pažina (1968), koji skupa sa braniocem Izetom Baždarevićem pregovara o visini kazne sa Tužilaštvom BiH.

Trgovina

U Sudu BiH jučer je počelo suđenje Pažinu i Kneževiću, koji su uhapšeni prije više od dvije godine u akciji Rampa. Tako je tužiteljica Elvira Stanojlović pročitala optužnicu, rekavši da se njih dvojica terete da su od kraja 2012. do augusta 2013., kao pripadnici grupe za organizovani kriminal, skupa sa Tomicom Jerkovićem, Draganom Markovićem, Pericom Krvavcem, Zlatkom Andačićem, Zdravkom Jurkovićem i drugima nabavljali, a potom organizovali prevoz iz BiH u Pulu, te tako ne-

ovlašteno obavljali međunarodnu trgovinu marihuanom. Pažin je u dogovoru s Kneževićem nabavljao drogu, a Knežević je kontaktirao Jerkovića, kao kupca. Potom je organizovan prevoz preko Milana Mustapića, koji je angažovao kurire i isporučivao drogu Jerkoviću u Pulu. Knežević je koristio rentacar vozila i išao kao prethodnica transportera droge. Kad bi kurir predao drogu, Jerković je plaćao Kneževiću, a ovaj bi isplatio Pažina. Prva isporuka 15 kg droge desila se 20. novembra 2011. Knežević je išao ispred Andačića, koji je vozio fiat punto. Po dolasku na parking Mercatora u Puli, Andačić je ostavio PVC vreću s drogom na dogovoreno mjesto, a Knežević je dobio novac od Jerkovića. Druga isporuka 10 kg droge desila se 5. aprila 2013. kada je Pažin angažovao Mustapića da sa Kneževićem nadgleda prevoz droge. Andačić je u fiat punto od Metkovića do Zagreba prenio pošiljku za 500 eura i 2.000 kuna.

Isporuka

Međutim, hrvatska policija zaustavila je punto i ispod sjedišta pronašla 10 paketa droge. Naredna isporuka bila je 2. augusta 2013. kada je prebačeno 13.360 grama marihuane iz Metkovića do Pule, a u transportu su učestvovali Mustapić i Krvavac. Suđenje se nastavlja 25. aprila.

D. P.

Posjedovanje oružja

Sjednica za razmatranje sporazuma Zvonku Kneževiću planirana je za 11. april. U drugoj tački optužnice Knežević se tereti i da je u porodičnoj kući neovlašteno držao dvije automatske puške marke F.A.L. i automatsku pušku M70 AB2, te ukupno 147 metaka raznih kalibara, čija nabava građanima nije dopuštena prema odredbi Zakona o nabavi, držanju i nošenju oružja i municije Hercegovачko-neretvanskog kantona.



Optuženi uhapšeni u akciji Rampa